



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三三八

銅鼓書堂遺藁三十二卷 查禮撰

一

正頤堂詩集十六卷附編一卷 江權撰

二三七

正頤堂文集六卷 江權撰

四〇七

笠亭詩集十二卷 朱琰撰

四九五

啣遠樓詩稿二卷 金廷炳撰

六二一

南坪詩鈔八卷 張學舉撰

六五九

銅鼓書堂遺藁

序

查君儉堂涪蜀之三年盡哀其己丑以前之相走使數序
余戢影蘧廬發書而讀如見儉堂萬里之外頭白知交惟
兩人在儉堂之詩舍余孰爲元晏哉儉堂難兄白蓮披先
生耽嗜風雅狎主齊盟海內詞人靡不向風景慕同時廣
陵馬氏遙遙相望余南北往來兩家園林必畱信宿親致
師摩壘其閒而蓮坡遂繼以昏姻之好故余弟畜儉堂亦
不余頃也

今上龍飛廷試鴻博之士得十五人餘皆報罷然輦轂人
才於斯爲盛其時水西山莊之賓客亦視前後爲最盛刻
燭分題藏闔闢酒蓮坡應接無倦客而儉堂年甫弱冠肩
隨秦晉才情騰蹕出示一篇則已驚其夙素猶憶史館下

銅鼓書堂遺藁序

直苦吟無俚餽問來自尺五城南安成之食潘園之果堆
案盈几喜動家人而儉堂薨尾細書緘詩投贈意殷摯如
其兄自丙辰至癸亥首尾八年一旦余以言事罷斥忍痛
別去常恐前死無相見之期乃隔廿餘年余猶幸存不見
蓮坡而兩見儉堂焉儉堂以戊辰歲官農部郎尋外擢單
車赴嶺表取道與余相見於西湖會余膺羔雁之聘主講
粵秀書院儉堂自慶遠來則又相見於五羊城蓋在王申
夏五時蓮坡下世未久見儉堂且痛蓮坡也蓮坡與余談
藝最洽儉堂之詩杼軸性靈原本忠孝猶蓮坡之教也今
披其全集少作已自可傳而傳儉堂者尤在服官以後之
作重葺黃文節公祠探湘灘二水發源處浚靈渠修秦郡
監史祿遺蹟美政藉藉人口杜拾遺一代詩史未歷方州

元道州咨嗟民瘼治具無所恢張儉堂身際清時有猷
有爲不肖以虛聲竊盜一編治譜見於盈寸之詩前賢對
之有餘媿矣而乃仕優則學自視欲然歸褒載石清風動
林余不見儉堂而見儉堂之詩匪惟競爽蓮坡詩之有用
於世此其明效大驗矣儉堂具方圓可施之才今觀察川
北以六條計吏行且駸駸大用矣有方召之臣必有方召
之詩如江漢常武者豈以一官一邑之治爲足衡量吾儉
堂也耶姑就其所已編者而論之如此蜀道遠在天上繼
見無日余髮種種猶思揮魯陽之戈延景桑榆序儉堂他
日未見之詩也

乾隆庚寅日在西陸仁和姻弟杭世駿拜手

銅鼓書堂遺藁序

三

銅鼓書堂遺藁序

昔

仁廟時翰林查慎行以文學侍從嘗有瀛臺坐釣應

制之作曰臣本煙波一釣徒蒙

帝賞賚

內侍每傳呼煙波釣徒查翰林以別於聲山學士

昇云而其所著敬業堂集亦遂盛行於天下故湖
南巡撫儉堂先生弱冠卽蜚聲文苑舉博學鴻詞
科試不利又困京兆試乃以賞爲農曹郎世咸謂
文章無命豈知魁偉絕特之士天必試諸盤根錯
節之交以淬其鋒而礪其鏘然後昇以重任而履
危而能安視險而如夷見曩而必爲見可欲而不
動不似尋章摘句以科第顯於時而無所樹立者

銅鼓書堂遺藁序

故其發爲文章乃經世有用之文非徒學士謳吟
之物先生之長君淳守桂林搜羅先生詩文爲銅
鼓書堂遺藁若干卷致書於余乞校訂而爲之序
余胡足以知先生之集然余之知先生者嘗自許
在筆墨之外則筆墨所及又烏敢辭先生於書無
所不窺其詩不名一體而大要則視煙波釣徒如
冰之生水然釣徒未見諸事而託於詩先生之事
則一一見諸詩而徵其學遺藁

明聖仕宦三十餘年南至南越西浮弱水蒼顏白髮據

鞍揚揚諸番羅拜萬姓待哺仰之若父母尊之如
神明而先生之勞其心力苦其筋骨不顧身不顧
家犯大帥而不以爲忤折僚友而不以爲非遇倉

卒而不驚任非常而不變每於拈韻揮毫流露古
君子立身行義之本固未可以晚近詩人目之也
嘗試取而誦之時或驚風雨泣鬼神時或諧韶濩
咀金石想其握管摘詞句斟字酌一筆不苟下大
抵千捶百鍊而合於自然藉非浸淫百家陶鎔萬
有其孰臻此闕中肆外從心所欲者哉吾知是集
出而海內爭先觀之以爲快其與敬業遺文齊驅
並軌無疑也先生尤工於詞深得姜史三昧今附
刻詩集後有德者必有言世之學者自此可知古
君子之行有不徒虛車之飾者然則彪炳史冊照
耀旂常而爲世楷則洵乎其枉筆墨之外也哉是
爲序

銅鼓書堂遺集序

二

乾隆五十有七年四月既望梁溪顧光旭頓首書
於松風閣中

銅鼓書堂遺集卷目

卷一

古今體詩七十四首

卷二

古今體詩六十五首

卷三

古今體詩七十四首

卷四

古今體詩六十四首

卷五

古今體詩六十九首

卷六

古今體詩四十二首

卷七

古今體詩六十一首

卷八

古今體詩七十首

卷九

古今體詩八十首

卷十

古今體詩八十三首

卷十一

古今體詩八十八首

卷十二

古今體詩八十首

卷十三

古今體詩七十六首

卷十四

古今體詩六十首

卷十五

古今體詩六十七首

卷十六

古今體詩七十首

卷十七

古今體詩八十九首

卷十八

銅鼓書堂遺集卷目

二

古今體詩七十二首

卷十九

古今體詩七十九首

卷二十

古今體詩六十六首

卷二十一

古今體詩五十一首

卷二十二

古今體詩五十八首

卷二十三

古今體詩五十二首

卷二十四

古今體詩六十七首

卷二十五

詩餘五十六首

卷二十六

詩餘四十九首

卷二十七

詩餘四十三首

卷二十八

賦一首 辨一首 考一首 序六首 文一首

卷二十九

記十二首 日札一首 題名一首

卷三十

銅鼓書堂遺集卷目

三

題跋四十八首

卷三十一

碑二首 志一首 行畧一首 哀辭一首 碣銘

一首 硯銘一首 上梁文一首

卷三十二

詞話



銅鼓書堂遺稿卷一

宛平 查禮 恂叔

甲寅

春日郊遊

野馬田間路悠悠遠世情荒原殘碣臥古墓朽株橫農圃
非家學巖阿負隱名竹看煙景召花事競春城
落盡殘梅處無鶯拂柳條溪陰水未解徑滑雪初消飢鵲
窺芳榼疲驢怯板橋一聲清磬響隔水寺非遙
亥市露塵散芳津煙靄中帘斜村店靜岸闌夕陽空蘭芷
安初服園廬得古風漁樵舒嘯傲誰許話窮通
登臨非有意來去更何期蟾影穿疎樹龍聲出短籬興闌
歸覺晚境僻轉忘疲欲待桑麻長還將筆硯隨

銅鼓書堂遺稿卷一

春雨二首

雨意廉纖少客過茶參經訣佐吟哦數聲鳥語來相和爲
報梨花勝雪多
胭脂狼籍杏開時燕子尋巢飛故遲窗鎖輕寒春寂寂一
簾香雨放翁詩

針魚

長河漲新流漁艇終朝集針魚一寸餘萍浪穿不澀良無
慘滬虞詎愁簪簪及人情細亦貪趁彼漪瀾急背風使罟
網鹿角斂呼吸懷刺不善防翻同腐井拾狂昔後素朝國
師有羅什食針如食蔬觀者皆悚立何年化此魚饕餮恣
所給物微倍宜恤生意常戢戢舍之任悠然遲將一當十
是以古洿池永無數罟入

過水西莊

小築臨春水風光宛若耶碧園三徑柳紅開一簾花拂座
雲生牖開門鶴到家機心從此息抱甕入桑麻

訪周月東秀才

暇日訪高士扁舟泛綠水春花依岸開眠柳因風起閒禽
向客吟馴犬迎人喜剝啄叩柴荆應門走童子茶鐺咽松
風塵談嚼宮徵竊若空山中嗒然忘城市昔聞周彥倫俯
仰隨行止歌嘯載籍酣籌畫萃名理今君磊落懷出處同
風旨時或彈素琴時或憑古几時或酒盈杯時或書透紙
玩弄秦漢章點竄南北史把卷一室內戶外常滿履流連
蘊真趣蕭灑絕塵滓幽情堅寸抱不逐浮華徒余敢謂忘
形相對無彼此茆檐挂斜曛清興殊未已醉歌徐返棹月

銅鼓書堂遺稿卷一

照波心裏

題王孝先負劍游集

醉鄉原是君家集醒後應無細碎懽斫地歌聲金石振與
君含笑論吳鉤

山水歌贈陳方來處士

松風不定疎簾舉積翠森然壓院宇誰遣夸娥移此峯削
成峯嶸非斤斧下有流泉流汨汨寒光澹沱清毛髮便欲
移家傍淺沙潺湲深處邀古月展圖閃閃光華生乃知畫
法通神明龍從應有山靈助縣麗還如溪女行西巖先生
愛奇傑到處探幽扶林穴冲懷磊落胸腹寬不貯繁華貯
冰雪興來落墨如秋雨化學乾坤意師古逸想凝神結構
成他人那識經營苦槐陰轉夏炎燄蒸贈我八尺鸞溪綾

絺衣軒軒動涼色直教虛室凝層水王蒙倪瓚不可見餘
子紛紛何足算先生畫手世所稀似向匡廬得眞面柿紅
之錦盤雕文沈香之軸椒蘭芬爲君什襲終千古也勝支
頤對碧雲

五月晦日攬翠軒納涼

避暑無奇策開樽水竹閒香清紅藕密波靜白蘋閒蟬聚
聲如雨林深翠似山石牀斜照外敲枕聽潺潺

雨後與胡文錫小酌

小酌非緣客空庭絕點埃好風吹雨去皎月破雲來坐久
吟忘倦眠遲漏故催芭蕉清露下相對盡餘杯

題齋壁

一榻蕭然畫掩關壁將圖畫疊溪山夜來有夢歸何處只

銅鼓書堂遺集卷一

三

在松風蘿月閒

寄懷履方仲兄

樂敘天倫醒醉同挂帆一去酒樽空音塵常在家書外夢
草還存詩卷中廿四番風花次第二千餘里雁南東秋光
應讓江淮好蟹正肥時霜葉紅

采菱歌

妾家住溪南采菱溪之北紅日映綠波照見妾顏色

舊滄州鐵獅子歌

吾聞條支之國生逸材毛如黃金尾如斗含威蓄怒肆大
聲四谷噲咤萬雷吼飛熊帖伏學醢雞猛虎倉皇類芻狗
平原曠野不代生絕域靈區閒時有麒麟而下百獸尊卓
越凡庸冠羣醜木門城邊秋日皎瑟瑟西風動衰柳忽驚

巨物扼富塗形體龐然儼岡阜高標直欲摩蒼雲平臥猶
堪橫數畝晶瑩寓目撐空睨豁達寬頤哆方口路人羣說
是獅王浴鐵爲身駭飛走爲想當年鏐鑄時鼓鞴泥鑪事
紛採鍊精幾費昆吾金搏質還須巨靈手吁嗟創作誠神
奇礪礪陰陽事非偶一從荒煙委寂寞苔蘚潛滋積塵垢
少陵昔詠石犀行莊語詆譏蜀太守要將正道承先王不
使奇衷惑童叟我今懷古異拾遺但有摩挲無置詬

讀南唐書

擾擾中原日東南倚柱初盤根仙李大王氣秣陵餘節儉
多遺則寬仁有令譽彭奴規畫遠拓跡盡淮徐
地逼思蠶食時平尚武功延津方得劍楚國又匹弓黃爵
窺覷密寒蟬覆蔭空數峯青峭色早晚掩屏風

銅鼓書堂遺集卷一

四

願作龜茲國盈庭事晏安臣吟宮瓦曉君賦玉笙寒高髻
看新製燒槽續舊彈誰知繡餽句汴上泣金盤
一代多忠節由來愛碩儒黃花終不漲白甲漫前驅客痛
朝衣拜人稱夜宴圖翻思開國際隔水擁灰鑪

雪夜

北風吹夢醒雪片打窗響夜半耿孤燈寒逼早梅想

苦寒吟

城陰積雪凍不消林霜慘刻翔獐廕青天含愁白日淡寒
氣凜冽彌蒼寥地鑪蒙茸煨榾柮熾火如山黯無色空堂
夜坐悄無人雲際水輪照階側繭紙細密糊深房固守無
異金與湯不分寒威利投隙如錐脫穎旋穿囊黑羊之裘
白狐腋素挾奇溫與寒敵卻怪此日咸披靡復領重裾等

締綌我知天道固有期候當栗烈斯其時況過長至入三
九元冥布令夫何疑憶昨初冬菊未死匝地暄和物欣喜
競說梅應早得春星躔已踰元枵紀峭寒陡作來幽都刮
人眉髮侵肌膚頓覺今時非往時側身偃蹇生嗟吁深夜
重衾冷於鐵殘燈挂壁時明滅獨笑頭如刺蜩藏夢魂難
共春雲熱豈無淺深椰子杯傾壺一使愁顏開香醪雖醇
飲戶小沙罌空致麻姑醉豈無鸛鵒青花硯濡筆狂歌追
白戰呵毫氣冷紛霜花衰手遲回神轉倦遙思窮若簞瓢
羣無衣卒歲悲懸鵲我欲具草奏頌頌亟回旌節布陽春

乙卯

古劍行有序

王子孝先越人慷慨有丈夫氣昨歲攜古劍策塞北上所

銅鼓書堂遺集卷一

五

著詩卽以負劍遊名集今擬南歸解劍相贈作此謝之
匣中古劍何時傳光芒豔發凌星躔昨宵啟匣聲鏘然
鏘鏘古篆名龍泉不將珠玉炫裝飾摩挲何遂無顏色天
寶氣迴射人未逢烈士誰賞識君不見人中皎皎鐵錚錚
鍛鍊經久功始成君家佩此憐司直曾入工部短歌行不
交輕俠重聲價風雨幾聞吼深夜卻緣字內無不平豈必
當前動悲咤爲余脫贈試吹毛笑問何如百鍊刀物無專
主有得失仍恐龍化隨波濤君不見豐城紫氣耀九州干
將莫耶今難求人生遇合亦如此可能持此斷離愁

送王孝先歸山陰

梅花香動雪初殘春早猶餘舊臘寒歸去卻逢修禊後右
軍遺蹟醉鄉寬

恰喜南行伴我翁時孝先隨家大深情無限別離中富春
江上帆開日好看山桃萬樹紅人同往浙西

春暮散步城東渡河過香林院小憩田舍晚歸

撥醅新水滿塘均嫩盞晴光浸柳梢三月海螯初上市一

春江燕未歸巢澄懷豈必常高臥遠眺無妨出近郊寂歷

紺園人不隔牆閑聽梵鐘敲

未夏先思簫笛徒耕樵相對日忘晡異書儘可懸牛角長

劍休教佩鹿盧浦口炊煙雲際密渡頭漁艇暮還呼何時

得就山中宅自翦荒榛闢芋區

楊青驛馬上口占

閒雲變態野蒼茫路入煙村客思狂萬頃桃花千樹柳一

鞭收拾在詩囊

銅鼓書堂遺集卷一

六

靜海道中

策蹇平沙道春風共往還一叢花似錦數曲柳如環村酒

家家熟柴扉日日閒余非行役者何事負溪山

漢氏成園丞印歌

延陵蔓草千秋荒土中掘得古印章印文屈曲摹印體大

小篆法殊雲陽奉園宮人理妝具上飯朝朝隨服御大官

送物誰典司園令食鹽專所務二十五祠廟祭繁四時祠

祭惟陵園駿奔趨走寅夙夜職卑亦得親賑膳尚方精鑄

龜爲鼻縮繫何人凶姓字翁仲爲守竝忘年玉雁金魚同

棄置當時飛燕啄皇孫淵默空言望若神一抔黃土歸耕

牧何如此印同貞珉摩挲翠色堪人愛金石錄中昔未載

重簾夜靜生古香肘後奚須如斗大

早秋過太液池

綠水澄於雨後雲長橋倒浸彩虹分不愁緩步驚鷗散永
日眠沙自一羣
瑣闌惜惜對水開似將明鏡寫樓臺瓊華一島休嫌小直
接西山翠色來

謁辟雍

聖哲扶天造成均重

帝京警宗標雅化領學聚羣英萬仞宮牆闢千秋俎豆呈
登山寰宇小觀海望洋驚地接辰居迴時逢當代清樞鏞
恢虞業釋奠肅冠纓魯宅猶存壁素灰久滌坑三川迴地
軸一柱向天擎鳳彩流丹聖麟文動旆旌星輝匏似繫玉
振瑟還鏗轍跡無餘夢章縫在兩楹春秋垂特筆陳蔡失

銅鼓書堂遺案卷一

七

專征庠別東西序鐘含大小鳴上尊期取爵祭菜念和羹
且得從公邁仍思稽古榮說經慙嶽嶽談史羨航航潔已
師童子無間忝後生幸蒙五世澤敢負四時行偃僂威儀
重趨踰步武輕典書纔鼓篋奉席比橋衡韓愈師堪式何
蕃業遂精大昕從始教末坐敢張聲

聖世漸摩治

皇猷夙夜宏講堂曾顧室闕里早除荆遣士由文黨觀光
自漢明然藜傳太乙習樂紀先庚車服崇瞻仰弦歌淑性
情於論歸首善思樂在昇平苦卓人堪鑄羣言液盡傾馨
香徵禮物鳧藻喜難名

棘闈中秋

秋色平分天宇空依然桂影廣寒宮青燈三載今宵月一

片吟心萬舍同

寄履方仲兄

十年窗下石爲田待辟湖州愧昔賢離外黃花人共瘦誰
憐顚顚晚風前
數行書就憑雙鯉三百篇中感鵲鴿未得鯢鵬成一變不
如柳絮化浮萍

歲暮周月東招飲卜硯山房出觀所藏書畫

晴雲炙窗寒色淺翠幕無風春衍衍主人愛客情意深籤
軸繽紛遞相展古錦葡萄芍藥紋名牋碧玉金花蘭活色
生香盡陸離膠山絹海相夷演水石羣稱董巨高花枝共
道崔徐鮮斑斑古色溢眉稜如際夏商見瑚璉神品逸品
總絕奇天工人工我何辨是時繞室鑪煙清幾點疎梅茁

銅鼓書堂遺案卷一

八

枯蘚大白頻浮興轉豪指揮不覺金烏轉滿目琳琅秀可
餐絕勝天厨嘗禁臠別有珍奇什襲多鼎彝章印紛華變
矜高不易五城觀鄭重眞同萬錢選君不見道旁瓦礫積
轉深根莠嘉禾各相眩知已無多識者稀奇材常受風塵
覲摩挲踟躕一悵然新月初來暮簾捲

丙辰

乾隆元年元日

鳳闕新頒正朔書龍飛大有一元初九天瑞靄升紅旭四
海黔黎仰紫虛
帝德漸看滋草木春風早喜襲襟裾從今擊壤歌應遍願
頌椒花萬歲餘

試燈日招吳焦音上舍家如岡姪飲味古盧卽席

分賦盆花得十三元

馬陸巧技長兒孫小白嫣紅偏瓦盆賀歲杯前初弄影試
燈風裏最銷魂如雲繭紙朝猶護宿火輒鑪夜尚溫回憶
南西門外路豐臺都是養花村

諸葛銅弩歌

生不能回身挈腳隨材官手持白竹擒樓蘭又不能運斤
削木隨巧匠采榦恆山入幽嶂窮年埋首事蠹書遠稽秦
漢追唐虞昨朝市中偶得銅器一似簡非簡觚非觚歸來
徧閱古器圖有物塊磊形相符云是諸葛武侯所製元戎
弩用以左射右射從前驅青錢斑斑凝綠蕪圓軸宛轉如
門樞箭槽一道中開剗惜哉今時無人解此器不然試之
百步千步可廢雙鞬弧淮南有遺語銅不可爲弩其言荒

銅鼓書堂遺集卷一

九

誕無足徵視此尤堪醒愚魯武侯固是天上人畱貽小物
皆稱神銅鼓至今警蠻服木牛當日通秦軍弩隨八陣守
堅壁幾間猛將迎鋒鎬渭水祁山杳無跡往事空吟籌筆
驛君不見白帝城南砂磧中亂石瑟瑟生陰風梁來法和
箭鏃空於後誰復知良弓

哭老僕周喜

周喜先祖遺僕也勤勞素著年八十餘死而無子詩以慟
之

吾家有老僕四世相追隨年已踰耄耄筋力難展施回首
念昔時殫心不知疲致身事遠塞目無少年兒辛苦汝備
嘗故舊我尙遺可憐衰朽質獨鮮扶持無何一室中奄
忽與世辭人生如草木朝夕有榮萎貴賤共一瞬惟忠足

昭垂因之爲揮淚詞以示來茲

登稽古寺藏經閣

峻嶒高閣出城西百里晴雲接檻齊擬把清吟驚碧落不
辭驕馬踏春泥粥魚聲過收蓮梵貝葉函深覆錦綈莫信
芳菲時節早隔林無數露鶯啼

矮屋衡門繞四周煙光低向足閒流平田乍見新燕合遠
水還看曉鏡浮綽約最憐綠岸柳清閒誰及臥沙鷗日斜
鈴語當風急似喚遊人更少畱

新釀果香露初熟獨酌賦此

小院花深月正圓詩懷欲共酒杯寬試將東老新傳法忘
卻西鄰舊撲竿豔奪春華濃似露醉憐氣味靜於蘭海墘
應笑安期誤長使如瓜歲歲乾

銅鼓書堂遺集卷一

十

春暮坐繡野簃

野色春如繡齋空燕坐宜蘆芽初刺岸荷葉欲抽池避俗
思裁竹論材擬樹橙朝來風力軟牆外去帆遲
田野饒幽趣分畦繞綠波漁汀窺似鏡蝌蚪聚成窩架小
青藤密山平紫芥多鄰翁談稼穡攜杖日相過
閒階一雨後習靜似僧房初月蛾眉淡新槐鼠耳長汲泉
烹活火選句貯空囊何必深巖隱塵氛始盡忘

和家漢客兄水西莊雅集原韻

水外園亭曲徑偏深林初夏日如年好花香散藤蘿架修
竹陰搖書畫船薄酒數杯聊就席野蔬一剪亦稱筵最憐
嫩捲田田葉浮動池塘淺漲邊
小聚茆堂作偶然遊心溪口共山巔催來夏景迎梅雨消

去春光剩柳煙紫燕銜泥斜照裏新篁解擗晚風前詩添清韻流絃外不讓西園雅集篇

年黛墨注歌

國朝陶器美無匹邇來年黛稱第一不讓汝定官哥均何況永樂之坯宣德質卽此墨注如水壺下廣上弇豐而虛置之几席斑管俱險巖一斗可以罄集書清光淡淡照硯北云是雨過天青古時色神螭躩踞繞其柄鐵足周遭黝如墨下有小篆曲景文觀者從此辨僞眞君不見右軍臨池池水黑至今猶浸越山濕我欲從之挹殘汁

五松

偶讀崔融賦餘情徧五松但須天闕近不羨大夫封色蔭寒廳古陰分翠壁濃著書忘歲月恐汝忽爲龍

銅鼓書堂遺集卷一

上

沈貞女

有家未及母命之郎面不識數亦奇十三旣許徐家子妾心誓與同生死自古鬱生義如此入門拜姑嫜姑嫜莫旁皇由來妻道比臣道不學王珪魏徵千載令人誚

秋日過張氏一畝園感舊

滿目秋光落葉黃故家風物感蒼蒼繁絃急管飄零盡惟有寒蟬噪夕陽

羅綺成叢轉盼空野花猶作舊時紅砌邊多少閒金翠寂寞荒煙蔓草中

三千珠履盡能文坐上雄談蔚似雲朱亥侯嬴俱老去不知誰憶信陵君

秋夜味古廬獨坐

商飈掠樹響騷騷漸覺寒威透敝袍滿院黃花蛩語急一窗明月雁聲高清名何必追龍腹妄念多如卷鷺濤聞說濁醪存妙理不妨左手更持螯

節烈四婦歌有序

天津舊有三婦合葬焉一爲譚某妻陳氏一爲阮某妻諸氏以烈死一爲趙某妻裴氏以節死乾隆元年八月十八日金振妻丁氏無子視夫舍殮畢旋殉柩側里人請諸當事與三節烈合葬稱節烈四婦云

君不見文文山作正氣歌津城節烈何其多父老向予說三婦往往涕泗爲滂沱二婦不受疆暴汚秉貞浩氣還太和一婦食貧甘苦茶冰心鐵骨玉爲質不羨膏粱華腴珍羞羅凡此稜稜不可屈堪比蘇卿持節牧羊坡三豕繫繫

銅鼓書堂遺集卷一

上

一抔土丈二碑碣字不磨碧天霜月何皎潔羞照人閒含羞妖冶嬌翠娥聞風興起金氏婦夫殉無子奈少何照見古井水不波泉路匪遙矢靡他里巷間之各酸鼻莫不心欽足頓手摩挲嗚呼從來烈節天所鑒公道在人相護呵今茲四婦合爲一各行其志同香窩

聖世采風重節義表厥宅里樹婆娑豈無鬚眉愧柔骨高風松柏同巍峩

送家如岡姪歸海寧

迢遞歸心急冥鴻振羽翰卻憐詩酒契倍覺別離難回望關河迴前程驛路寬臨岐何所囑珍重雪霜寒送遠三千里囊餘書一擔望雲君自切聽雁我何堪夜月光逾冷江楓影半酣棹歌歸去好山水舊時諳

追和心穀伯兄賞菊詩原韻

有序

丙辰勝後竟日杜門心穀兄飲余淡宜書屋酒闌夜靜談
及丙申秋賞菊唱和諸詩因出見示其中名士騷人雜以
瞿曇羽士亦盛事也回憶其時余尚在襁褓閱今二十年
矣紅友蘭題白駒過隙由今追昔感慨係之謹依前韻聊
自抒懷

東籬佳色傲霜秋共想幽人韻獨悠雅集宜增高士傳殘
燬未掃惜花愁廿年仍此重陽節三徑曾誰信宿畱收拾
青燈燒蠟炬今宵對酒不能酬

曉出廣寧門望大房諸山

樓聲靜天衢蚤起逐鳴雁嚴霜滑馬蹄漸喜晴旭旦出城
矚遐景村塢宿煙散西山青於螺一一排遠岸疎鐘度佛

銅鼓書堂遺集卷一

七

屋密樹翳仙館層巒殘雪明仄岫凍雲斷薜蘿如可攀應
有幽禽喚逍遙執轡停眎目愜馳玩

渡桑乾河

拱極城西水聲急千里一瀉竹箭直陡接銀河天上來中
途帶得泥沙色我來卻值寒冱時勁風謾吹征衣枯蘆
敗葦蕩已盡惟見點點寒鴉飛危橋亘空疑匹練立馬長
嘶不敢踐俯視頓欬斗膽寒憑高更使雄心戰道逢僂僂
翁睂白顏如童告我渾河源歷歷辨始終翁言古昔大禹
隨山刊木日洪河支流多蕩潏灤河一股稱最雄橫貫西
北復南折桑乾山前草蕭瑟源可濫觴無泛溢歛然東下
勢若雲分作雙流遂難遏君馬來何緩行行歲將晚不見
夏秋初沖融百川滿健魚南徙不敢畱瘦蛟跋扈騰中流

噲吟鞀鞀鐘鼓集然犀或見怪沈浮或云河伯會海若水
族忽赴蓬萊洲長隄千金非不固止敵馮夷一宵怒偶然

蟻穴失防維四野驚濤沒村路
聖帝詔策卹下民議疎議濟皆重臣不然腴田美廬盡漂
蕩此身早與魚鼈鼉為居鄰吁嗟乎人生何異海中沫
牛涔非小海非大我家今住孝義鄉咫尺渾河作襟帶窮
源溯委自古屬吾儒乘槎直指牛斗途非迂何時桃花水
高春樹綠任我凌風長嘯驚天哭

房山道上

草枯沙見磧馬過雪畱痕殘照明山縣寒雲護小村玉塘
應有米石寶尚如門欲就樵人宿巖深景易昏

丁家窪

銅鼓書堂遺集卷一

古

高崖四面圍深谷如仰釜流水漱石根蜿蜒到蔬圃砌埒
積層水清光耀鷺羽飲馬忽忽驚踏空仍在土飢鳥棲一
枝羨彼老樹古園林寒翠疎鱗次出檐宇闌寂塵慮空覓
句吟逾苦飄風動征衣孤村響砧杵

羊頭岡尋高尚書墓

寒岡淡無姿孑立森瘦骨徘徊亂石閒疲馬鞍暫歇側聞
高尚書葬此山水窟流傳墨竹派遠繼湖州殉二米染雲
煙師承盡毫髮遺蹤四百年來者失津筏我循墓道行松
鬣猶蓬勃豐碑侵綠苔幸未近耕垆虎嘯動深谿悲風自
此發暝色何蒼茫吟心轉恍惚但讀西巖詩珠林照寒月
欲遊上方山矗立霄漢裏復聞東西峪僧有數千指圖經

久聞上方山矗立霄漢裏復聞東西峪僧有數千指圖經

曾臥遊未得造巖趾白雲空去來遊息羨鹿豕今晨山下
行積雪襯紅紫亂峯插芙蓉峭崿眩高視塵蹤負夙願相
望隔墟里慚愧杜陵翁青鞋何日始

東安道上

一路寒風送馬蹄晚鐘斜日縣城西蒼茫僻路行人少敗
葉蕭蕭鳥亂啼

爲汪西顥徵君題花塢卜居圖冊子

臨安富川巖諸峯在肘腋湖上厭劇游西溪獨幽僻吾友
愛地偏結茆枕槃石誰家舊花塢于焉卜新宅春初百卉
競嘯詠忘役泉汲清澗寒籬穿短筍碧我亦素心人每
蹈尋芳跡他日橫山堂與君接茵席

臘八日偕汪西顥徵君家天來煙飲水西莊之花

銅鼓書堂遺彙卷一

主

影菴分賦得十蒸

未肯潛藏類凍蠅卻無奔競有誰憎笑非天下功名士差
似人閒粥飯僧爐火旋消茶竈冷月華初吐硯池水何須
鐘鼓追鄰寺長此偷閒我最能

望海寺

殿角瞳矓寒日明憑高迢遞見蓬瀛河分九派門前合潮
送三山檻外迎煙靄有時浮刹影霜天無際徹鐘聲回瞻
宸翰光華著長使波濤晝夜平

冬日偕高五雲汪西顥家天來重遊香林院分賦
得十三元

廊外別開門鴻都舊跡存殘牋猶挂壁危石自生根鶴唳
風聲勁鳥啼樹影昏晚來隄上望寒月淨無痕

月夜自水西莊步至宜亭舊址望西淀水閒積雪
夏日恆苦熱冬日恆苦寒褰帷不畏寒入骨當頭爲愛月
影團疎林蕭蕭閒蓬戶鄰火參差出牆堵夜春斷續人未
眠婦子時聞喧笑語行見宜亭舊址荒草枯霜白似鹿場
侯門興廢古無常區區何足生悲傷隔河忽近無垢園琉
璃爲地添粉飾零星殘雪搖春光極目疑狂廣寒側憶昨
秋霖漲溢時銀濤欲捲扶桑枝出浦漁舟驚海若鷗鷺竝
徙滄江涯疊浪堅冰轉眼異可知通塞尋常事自來耐冷
惟纖阿夜夜還擁冰輪至

祀竈

粵自燧人興取土中央燥旣以孟夏饗胡爲季冬醕殘臘
逼歲除禍福詎神造耨耨箕帚語直向昊天告雲車風馬

銅鼓書堂遺彙卷一

六

行糖豆粉餌勞黃羊剖以酬白雞殺以報邀飲及比鄰五
味雜傾倒立同門井司酒漿播文誥俞子記可師魯望解
最妙

銅鼓書堂遺彙卷一終

男淳孫樞校刊

必資盤桓三餘事搜討四庫儲綿統晴軒據梧讀牋篋盈
牀攤繩繩榕村學振委揚其瀾鶴書自

天至碩學徵甘盤前遊續玉府新渥陪金鑾固知松柏

質益被雨露溥朝來念初服結想歸河干安車上苑出祖

帳東門觀豈曰豹隱霧實乃鴻漸磐西沽水清澈入海波

漫漫蒼葭聚淺渚碧柳圍清湍維舟得信宿雅好通金蘭

捧袂方告始離軫何遽彈嗟子志披謁夙昔銘肺腑肝吉光

一羽覩寶過青琅玕惜哉良會促未罄平生歡鍾吾雲繞

驛白洋浪捲灘興懷渺千里川塗鬱相蟠安得如澠酒時

時祝加餐

秋夜對月懷家天來姪在秦中

宵深涼露滴天末雁書稀詞客應添賦征人欲授衣蛩聲

銅鼓書堂遺集卷一

三

當戶靜螢火入林微遠夢無拘束時隨落葉飛

懷人不可見況值萬山秋回憶同樽酒何堪獨夜愁名都

三輔舊逝水八川流未識因依處憑誰記壯遊

水西莊秋日雨中八首

西莊關自信安灣竹筴茆檐屋數閒習靜不驚風雨驟蓼

汀深處釣翁閒

雨趁涼颼透戶櫺重簾不捲晝冥冥焚香掃地無多事二

百籤餘小品經

村居幽趣許誰同不是詩人卽畫工一抹林巒描未得亂

雲如絮白濛濛

碧水迢迢漾淺沙幾叢修竹野人家最憐秋滿疎籬外帶

雨斜開扁豆花

拂隄衰柳濕拖煙漲溢長河浪拍天獨坐數帆臺上望羣
鷗飛過打魚船

幽人鼓吹聽蛙鳴紅板橋頭蟹市清何處疎鐘敲遠寺漫

催暝色寫溪聲

覓句何妨上小樓野移歷歷雨初收夜愁夢入園西路一

港瀟瀟蘆荻秋

舟載寒煙乍有無披簑貫笠渺江湖輞川妙筆須誰借摩

詰如生必我俱

贈杭大宗編修

龍輔藏堅珉精英達山表騷騷生渥洼天閑待騰裏自古

宏雅儒奇光不終葆苟非明堂珍卽爲清廟寶君才萬夫

敵充實無虛矯美質含瑚璉清文飾黼藻蚤年事迹作肆

銅鼓書堂遺集卷一

四

力志軒暉機杼由性靈規撫惡剽汲古功尤深篋篋任

傾倒豎義長城堅披源大河浩優游三十載藝圃秉麾纛

忽應褒書求觚稜日初曉遠辭薜蘿徑時視明光草螭均

長拜趨柱下恣蒐討三禮昔紛綸聚訟煩勘校君憑學識

超析微虛必擣明辨忌雷同純粹體直道鄭王與孔賈箋

詰窮杳渺壓角詣省初奪席衆儒小憶昨訪君盧輶輶走

行潦旋念水中央幽懷獨縈繞蘭蕙本同根芬芳無異抱

先路覲相攜周行殊了了倘肯分秋鐙來繙石經考君近

贈趙功千徵君

逸經古記辨無譌驟遣星輶出洞阿人擬趨朝旋釋褐自

甘補屋尚牽蘿青山乍老遊情減黃菊重開鄉思多籬下